

# SARS YI PFUNA VANHU LAVA NGA NA VUTSONIWA BYO TWA

**Pretoria, Musumbhunuko ti2 Ndzhati 2019** – Ku tlangela N'hweti ya Lemukiso wa Vufandleve (Ndzhati), SARS yi ta tirhisana kun'we na mihlangano yo hambanahambana na timasipala leti seketelaka vanhu lava nga tsoniwa eka ku twa eAfrika-Dzonga, ku va pfuna hi timhaka ta vona ta xibalo emarhavini yo karhi ya SARS etikweni hinkwaro.

Pfhumba ri katsa ndzetelovutivi wa dyondzo ya xibalo wa nkarhi wun'we na nkumeko wa vukorhokeri bya vutoloki bya Ririmi ra Mavoko ra Afrika-Dzonga (SASL) eka Ravuntlhanu rin'wana na rin'wana ra n'hweti emarhavini lawa ya hlawuriweke ya SARS etikweni hinkwaro.

Nghenelelo lowu wu herisa swirhalanganyi leswi vatirhisi va Ririmi ra Mavoko lava tlhontlhiwaka hi mpfumaleko wa mfikelelo wa vukorhokeri bya masungulo etikweni hinkwaro. Xikongomelo xi tlhela xi longoloxiwa na xikongomelo xa SARS eka nguva leyi ya xibalo, ku nga ku rhurhisa vahakelaxibalo ku katsa na vanhu lava nga na vutsoniwa byo twa no vona ku ya eka tipulatifomo ta xidijiti.

Vanhu va komberiwa ku hangalasa mahungu eka vanhu hinkwavo lava nga na vutsoniwa byo twa eka miganga ya vona, na ku tsundzuka leswaku vukorhokeri lebyi byi ndlandlamuxeriwe swirho swin'wana emugangeni leswi nga ta lava mpfuneto eka ku rhurhela eka eFiling na SARS MobiApp.

SARS yi tshama yi tinyiketerile ku nyika dyondzo ku antswisa nandzeleriso wa xibalo na mfikelelo eka vahakelaxibalo lava nga na vutsoniwa byo twa no vona.

Ku vona xedulu leyi koxometiweke, [tlilika laha](#).